

Hafnarfjarðarbær
Björk Guðmundsdóttir
Strandgötu 6
220 Hafnarfjörður

2002060070
1400; 9310

Reykjavík, 23. september 2002
/--

Efni: Efnistaka í Undirhlíðum í landi Hafnarfjarðar. Ákvörðun um tillögu að matsáætlun.

Í samræmi við 8. gr. laga um mat á umhverfisáhrifum er hér kynnt niðurstaða Skipulagsstofnunar um tillögu Hafnarfjarðarbæjar að matsáætlun fyrir efnistöku í Undirhlíðum í landi Hafnarfjarðar.

Skipulagsstofnun barst með bréfi Hafnarfjarðarbæjar dags. 23. ágúst 2002 tillaga bæjarins að matsáætlun:

Hafnarfjarðarbær, bæjarskipulag. Tillaga að matsáætlun fyrir efnistöku í Undirhlíðum í landi Hafnarfjarðar. Ágúst 2002.

Skipulagsstofnun leitaði umsagnar um tillögu framkvæmdaraðila hjá eftirtöldum aðilum í samræmi við 8. gr. laga um mat á umhverfisáhrifum: Hafnarfjarðarbæ, Fornleifavernd ríkisins, Heilbrigðiseftirliti Hafnarfjarðar- og Kópavogssvæðis, Náttúruvernd ríkisins og Vegagerðinni. Framkvæmdin var einnig kynnt Landsvirkjun. Skipulagsstofnun kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bærust umsagnir og athugasemdir frá eftirtöldum aðilum: Hafnarfjarðarbæ með bréfi dags. 6. september 2002, Fornleifavernd ríkisins með bréfi dags. 5. september 2002, Heilbrigðiseftirliti Hafnarfjarðar- og Kópavogssvæðis með bréfi dags. 10. september 2002, Landsvirkjun með bréfi dags. 4. september 2002, Náttúruvernd ríkisins með bréfi dags. 10. september 2002 og Vegagerðinni með bréfi dags. 3. september 2002. Skipulagsstofnun bærust einnig frekari upplýsingar frá framkvæmdaraðila í kjölfar umsagna með bréfum dags. 6. og 11. september 2002.

NIÐURSTAÐA SKIPULAGSSTOFNUNAR

Í samræmi við 8. gr. laga um mat á umhverfisáhrifum hefur Skipulagsstofnun farið yfir framlagða tillögu framkvæmdaraðila að matsáætlun ásamt þeim umsögnum og athugasemdum sem borist hafa stofnuninni. Skipulagsstofnun fellst á tillögu framkvæmdaraðila að matsáætlun með þeim viðbótum sem koma fram í svörum framkvæmdaraðila dags. 6. og 11. september 2002 og með eftirfarandi athugasemdum.

Starfsleyfi

Samkvæmt reglugerð nr. 785/1999 um starfsleyfi fyrir atvinnurekstur sem getur haft í för með sér mengun er efnisnám starfsleyfisskylt hjá Heilbrigðisnefnd Hafnarfjarðar- og Kópavogssvæðis. Skipulagsstofnun telur æskilegt, með hliðsjón af 30. gr. reglugerðar um mat á umhverfisáhrifum nr. 671/2000, að með matsskýrslu verði birt drög að starfsleyfi vegna efnisnámsins. Í drögnum komi fram hvaða kröfum rekstraraðilum verði gert að hlíta.

Vöktun

Skipulagsstofnun bendir á, með hliðsjón af tölulíð 3h í 18. gr. reglugerðar um mat á umhverfisáhrifum nr. 671/2000, nauðsyn þess að gera grein fyrir vöktun á rekstrartíma efnisnámsins. Í matsskýrslu þarf að gera grein fyrir þeim þáttum sem fyrirhugað sé að vakta, fyrirkomulagi vöktunar (t.d. tíðni mælinga) og hver eftirlitsaðili verður.

Annað

Heilbrigðiseftirlit Hafnarfjarðar- og Kópavogssvæðis benti í umsögn sinni á að reglugerð um starfsleyfi fyrir atvinnurekstur sem getur haft í för með sér mengun er númer 785/1999. Jafnframt bendir Skipulagsstofnun á að tilvitnuð reglugerð um neysluvatn nr. 319/1995 er fallin úr gildi. Í hennar stað ber að fylgja reglugerðum um neysluvatn nr. 536/2001 og reglugerð nr. 796/1999 um varnir gegn mengun vatns með síðari breytingum (einkum nr. 533/2001).

Sigurður Ásbjörnsson

Þóroddur F. Þóroddsson

Fylgiskjöl:

Umsagnir og athugasemdir við tillögu að matsáætlun.

Afrit :

Hafnarfjarðarbær, Fornleifavernd ríkisins, Heilbrigðiseftirlit Hafnarfjarðar- og Kópavogssvæðis, Landsvirkjun, Náttúruvernd ríkisins og Vegagerðin.

